

08.仁慈的馬皇后 撰稿：葉淑華

各位評審老師，各位同學大家好！今仔日，我欲講的故事是：「仁慈的馬皇后」

佇一年的元宵節，「臭頭仔洪武君——朱元璋」打扮做百姓的模樣，偈一行四五名佚陶來到京城一个大廟埕，看到一陣人圍佇遐喝甲大細聲，皇帝嘛興切切，想欲看佢到底是咧無閒啥？喔！原來這陣人是佇遐咧臆燈謎，主持人手提一个鼓仔燈，鼓仔燈面頂畫一个查某人「來！來！來！臆謎猜，比看誰人較厲害！來！來！來！好膽做你來！毋驚你 臆無路來！只驚你毋捌、假捌、擱假攏知，來來來！逐家來臆看覓！這個查某人面長親像馬，胸前 mooh4 一粒大西瓜，大跤婆若柴耙，予恁臆看伊是啥人咧？」

彼當陣，皇帝心內暗暗仔咧想：「哇！即禾黑（醜）的查某人，世間閣揣嘛無幾個」雄雄！台跤一个囡仔兄，開喙喝甲足大聲！「我知影！是當今的馬皇后啦！」這時，台跤的人，大聲笑甲東倒西歪。因為皇后伊姓馬，蹠佇山西（厶丂），細漢厝內散食。愛湊做穡落田底，才會無綁跤。就穿大雙鞋。彼の時代的查某囡仔，流行跤蹄仔搏甲細細細！百姓著故意做燈謎來給伊諷。

唉！「人若衰，種匏仔著生菜瓜」百姓一時好耍，煞註死去拄著當今的皇帝，當時，皇上氣佇心肝底：「可惡呀！真是『天無照甲子，人無照天理』百姓竟敢大膽恥笑堂堂的皇后，真是該當何罪啊！」伊著派人偷偷仔綴去主持人佢兜，佇壁頂寫一字「福」字做暗記，按算隔轉工欲抓佢來治罪。

皇帝回宮對馬皇后講經過，皇后聽了笑笑講：「無要緊啦！我本來生了著無嬌矣！過年嘛！百姓歡喜著好，有啥通計較咧！俗語講：「人情留一線，日後好相看」毋過，皇帝亦是氣摯摯，堅持一定欲抓佢來見官。

皇后知影閣勸也是無路用，只好暗中派人利用半暝仔去城內.每一戶人家的壁頂，寫一字全款的「福」字。隔轉工，皇帝派去抓人的官差（ㄗㄝ）揣甲霧煞煞，只好空手辱蝦倒轉來。皇帝知影是皇后慈悲，毋甘百姓受罪，所以著無閣再繼續追究這個問題。後來，這件代誌，按宮中傳到百姓的耳孔底，百姓萬分感謝皇后的慈悲，從此以後就無人會擱笑伊是大跤蹄了，過年時仔佇壁頂貼「福」字的風俗，也著按呢.流傳代代閣世世。俗語說：「人死留名，虎死留皮」好心的人就會有好尾，我的故事講到遮，感謝逐家！ 共 885 字